

# PANORAMO-INFO

*Sciiga letero por la Esperantistaro  
en Saksio-Anhalto*

*15-a jarkolekto*

**2006-1**



## **26-an de aŭgusto 2006: REVO-Renkontiĝo Esperantista en VorlicO**

La ĉijara renkontiĝo  
en la parko de Vorlico (Wörlitz) okazos  
la 26-an de aŭgusto 2006 (sabato).

Ni renkontiĝos 10:00h  
ĉe la urbodomo de Wörlitz.

Ekde nelonge la ĉefa simbolo de la parko de Vorlico denove brilas post renovigado. La Rousseau-insulo ricevis novajn poplojn (lombardaj nigraj poploj, *Populus nigra* 'Italica'). Ĉu ankaŭ la alegoria labirinto estas trairebla? Ni ne scias, ni vidos – tamen ne tiom gravas, ĉar en la parko de Vorlico ne mankas interesaj objektoj kaj ravaj rigardoj. Ĉifoje nia celo estas simile unike kiel ĉe nia jubilea aranĝo (20a REVO en 2004).



*Rousseau-insulo kun novaj poploj*



*la Gotika Domo*

Tiam ni vizitis la ĉefan kastelon. Nun ni volas viziti la Gotikan Domon. Ĝi estis la rifuĝejo de princo Franz (*pron. Franc*), kie li povas okupiĝi pri pomologio en la trankvilo de la naturo. Alia interesa unikaĵo de la Gotika Domo estas la pentraĵaj fenestroj. Ili estas bildrakonto pri la svisa historio. Princo Franz akiris la artajn vitraĵojn, kiam oni forigis ilin el la preĝejoj de Svisio. Multaj svisoj vizitas la parkon por vidi tiujn unikaĵojn. Maldekstre vi vidas bildon de la Gotika Domo, kiel ĝi aspektas de la ĝardena flanko (Tudor-gotika stilo). La alia flanko montras malsaman gotikan stilon (italan gotikon). La arkitekto Erdmannsdorf konstuis kelkajn tiajn diversflankajn konstuaĵojn (ekz. la Someran Salonon ĉe la kastelo aŭ la gastdomon en la parko Georgium en Dessau). Venu al Vorlico por ĝui kun ni tiun unikan parkon. En la jaro 2000 UNESCO deklaris la parkon *Mondkulturan Heredaĵon*

Se vi bezonas pliajn informojn, demandu la Esperanto-grupon Panoramo (*kontaktelecoj sur la lasta paĝo*).

## Albert Ebert (1906-1976)

Hodiaŭ ni prezentas pentriston, kiu famas en Halle sed verŝajne estas tute nekonata ekster la regiono.

Antaŭ 100 jaroj, la 26-an de aprilo, naskiĝis Albert Ebert. Lia patro estis masonisto. La urbon Halle kaj ĝian ĉirkaŭaĵon li ĉiam komprenis kiel mondon de beleco kaj mirakloj – tion esprimas ankaŭ liaj postaj pentraĵoj. En la jaro 1921 li estis trapasinta la bazan lernejon kaj komencis lerni la profesion de masonisto, sed li ne finis la porprofesian lernadon. Ĝis 1939 li havis diversajn laborojn: portisto de mebloj, helpanto en foiro, konstrulaboristo. Ekde la komenco de la dua mondmilito li estis soldato. En la jaro 1943 li estis lezita dum batalo. En la hospitalo li komencis pentri. Tiel ekestis lia unua pentraĵo (portreto pri li mem). Ĉe tiu pentraĵo oni ne rimarkas, ke li ne ricevis edukon pri arto. Tiam li estis 37-jara. Post la milito li decidis pli ofte pentri.

*“Mi volis pentri kaj mi volis montri la mondon  
tiom bela kiel mi perceptas ĝin.”*

Ekde 1946 li studis du semestrojn ĉe la altlernejo pri arto kaj desajno “Burg Giebichenstein” en Halle. Liaj instruistoj estis la profesoroj Charles Crodel kaj Waldemar Grzimek. Unue Charles Crodel ne volis lasi lin studi ĉe la altlernejo pro lia alta aĝo. Aŭdinte tiun

argumenton Albert Ebert replikis al la profesoro: Kiom aĝa oni estu por fariĝi pentristo? La rezulto estis: Albert rajtis studi. En la jaro 1947 li laboris en diversaj profesioj. Unu jaron poste li kunverkis ĉe la landa galerio de Saksio-Anhalto kiel restaŭristo. Dum la 50-aj jaroj (1954 ĝis 1956) li estis hejtisto en la altlernejo Giebichenstein kaj konstrulaboristo en la urbo Halle. Per subteno de amikoj kaj stipendio de CDU (la partio kristdemokrata unio) li povis libere labori kiel artisto. Lia unua ekspozicio en la jaro 1957 havis grandan sukceson.


La mondo de Ebert estas riĉa kaj varia, kun belaj virinoj, infanoj, lampionoj, festoj, katoj, dancantaj neĝeroj kaj la lumoj de la urbo Halle. Li pentris nur dum la nokto; tiel li kreis ĉirkaŭ 1000 pentraĵojn dum la 30 jaroj de lia verkado. Multaj liaj pentraĵoj estas malgrandaj. Li nomis ilin “miaj infanoj”. Li pentris ankaŭ pri religiaj temoj. Tiaj bildoj ne plaĉis al la reganta socialista partio de GDR. Li estis eksmembrita el la partio.

Jam 60-jara li eklernis novan teknikon: litografadon. Sur lia unua litografa paĝo li konstatis: La komenco de io ajn estas malfacila. Tamen li pli kaj pli eksperimentis pri tiu tekniko dum la lastaj jaroj de lia vivo.

En la jaro 1973 la urbo Halle honoris lin per la artpremio de la urbo. Okula malsano malebligis al li la pentradon ekde 1975. Okaze de lia 70a naskiĝtago la fondaĵo Moritzburg dediĉis al li ekspozicion, kiun li ankoraŭ povis ĉeesti. La 21-an de aŭgusto 1976 Albert Ebert mortis.



*Floranta leontodo (1970)*



*Leda kun la cigno (1957). kraĵono*

Dum vizito en Halle vi trovos kopiojn de liaj bildoj en multaj urbaj muzeoj kaj galerioj.

## Migrado tra la arbaro Domholz

La 20-an de majo 2006 okazis nia tradicia promenado tra la arbaro Domholz. Kiel kutime ni komencis nian vojon en Schkeuditz, kiel kutime ni havis bonan veteron kaj kiel kutime ĉiuj ĝuis la verdan naturon inter kanalo kaj rivereto. Venis E-istoj el Lepsiko (kaj el la ĉirkaŭaĵo de Lepsiko), el Halle, Dresdno kaj Magdeburgo. Tiel estis bona miksaĵo el “malnovaj leporoj” kaj novuloj. Bedaŭrinde nia kutima celo, la restoracio Domholzschänke, ne povis gastigi nin dum tagmanĝo. Antaŭ kelkaj jaroj la restoracio forbrulis, poste estis provizora instalaĵo por servi manĝaĵojn kaj trinkaĵojn al la gastoj. Ĉijare oni konstruis belan novan domon, kiun oni



malfermis dum la semajno post nia migrado. Bonŝance ni jam antaŭe sciis, ke ni bezonis alian manĝejon. Ni elektis la restoracion Schlobachshof, kiu estas proksima al nia kutima ripozejo. Ĝi estus eĉ pli proksima, se oni kaptus la ĝustan vojon al ĝi. Posttagmeze finiĝis nia aranĝo kaj iom poste ankaŭ finiĝis la bona vetero.

Mi jam antaŭĝojas la sekvan jaron, kiam ni povos viziti la kutiman, sed nun tute novan restoracion Domholzschänke.

*jogo*

# ALKOHOLO

NE ESTAS RESPONDO!



*... sed dum trinki oni forgesas la demandon!*

## Eksponaĵoj pri famkonataj lernantoj

Sub la slogano **kreskos en bono** (Es werde im Guten wachsen) oni prezentis ĝis 15a de majo notatestojn, pentraĵojn, librojn kaj aliajn notojn de ses famkonataj personoj en la fondaĵo de Francke en la iama legosalono de la biblioteko. Estis (kaj –as) ĉiuj personoj, kiuj lernis en la fondaĵo. Oni povas rigardi aĵojn de la regna kanceliero Bernhard von Bülow, de la kantisto Ivan Rebroff, de la kronikisto de Halle Johann Christoph von Dreyhaupt, de la poeto Gottfried August Bürger kaj de la ĝardenarkitekto Hermann von Pückler-Muskau.


Pückler-Muskau venis 11-jara al Halle. Li ne estis tre bona lernanto. En la fako Literaturo li ricevis “eksterordinaran mallaŭdon”, la manskriba dokumento troviĝas sub vitro kaj estas datita de la 18. de oktobro 1796.

Von Bülow estis, en kontrasto al Pückler-Muskau, tre bona lernanto, sed ankaŭ li rivevis punon. Li helpis kunlernanton dum la ekzameno, pro kio li ricevis kelkajn horojn en karcero.

De Dreyhaupt estas rigardi letero al Gotthilf August Francke, en kiu li disputas pri medikamento de la apoteko de la orfejo.

En la tempo de 1945 ĝis 1950 la kantisto Ivan Rebroff vizitis la superan lernejon por knaboj en la fondaĵo de Francke kaj kantis en la famkonata urba koruso por knaboj Halle (Stadtsingechor Halle).

*ugg*



### Festotagoj de Saksio-Anhalto

De 14a ĝis 16a de julio 2006 okazis en Halle la festotagoj de la federacia lando Saksio-Anhalto. Tio estas bona ebleco por ĉiuj urboj kaj aocioj de la lando prezenti sin. Gerhard Hirschmann ĉion bone preparis por ke ni ricevas lokon en la stando de la asocio Auslands-gesellschaft Saksien-Anhalt (asocio pri internaciaj rilatoj). Tiu asocio (krom aliaj projektoj) ĉiujare okazigas grandan internacian renkontiĝon por junuloj (10- ĝis 15-jaraj) en Güntersberge.

La ĉirkaŭantaj standoj havis similan internacian karakteron: asocioj pri amikecaj kaj turismaj rilatoj al Finnlando, Vjetnamio, Pollando, ... . Kelkajn interesiĝantojn ni povis informi Esperanto kaj pri Moncivitaneco. Sed ankaŭ gravas la kontakto al la organizantoj de la aliaj asocioj/projektoj.

*jogo*



## Radio Corax: Esperanto-elsendo havas novan lokon



Jam ekde kelkaj monatoj la nekomerca radioprojekto „Radio Corax“ denove regule elsendas en kaj pri Esperanto. La nova loko estas la dua dimanĉo de ĉiu monato de 11:00h ĝis 12:00h. Ripetaĵo de tiu elsendo sekvas 10 tagojn poste (merkredo) je 17:00h.

La elsendo enhavas instrumentan muzikon kaj raportetojn pri la E-mondo, lingvopolitiko kaj etajn E-lingvaj konsilojn por turistoj. La nun eĉ dufojan elsendon ni dankas al niaj nelacigeblaj „radiologoj“ Achim Kaufhold kaj Udo Birkner.

Radio Corax estas akirebla en la urbo Halle kaj la ĉirkaŭaĵo per la frekvenco 95,9 Mhz. La hejma paĝo de la projekto estas <http://www.radiocorax.de>

Tie vi trovas ligan al la programo kaj al la reta elsendado (livestream). Per la reto vi havas pli bonan kvaliton. La reta elsendo estas havebla per la adreso Por ĉiu baza komputila sistemo ekzistas senkosta programo por aŭskulti retan radion. <http://212.122.41.133:8000/corax.ogg>

*jogo*



### Halle, aspiranto por kultura ĉefurbo.

Halle ĉe Saale, 1200-jara urbo, aspiris pri la titolo Kultura Ĉefurbo de Eŭropo en la jaro 2010. Ĉar ne nur Halle aspiris, sed ankaŭ multaj aliaj urboj (nur el Germanio estas 13), ĵurio vizitas ĉiujn aspirantojn. Kun malfruiĝo alvenis la membroj de la ĵurio en Halle en kafejon „Skyline“, la starto por rondirado tra nia urbo. Ili vizitis la centran placon, la dominikanan preĝejon, la „kulturan insulon“ (kun teatro, galerio, kafejo ktp.) kaj la burgon Moritzburg. Ili vizitis ankaŭ la fondaĵon de Francke, - nur la „kulturvendejon“ ili ne vizitis pro tempaj problemoj.

Tiu kulturdomo estis ankaŭ celo de nia PIKO-ekskurso (24.01.2006). Post kiam ni vizitis tiun domon kaj rigardis la tri etaĝojn, mi estas certa, ke la tempaj problemoj de la membroj de la ĵurio estis por la aspiro de nia urbo tre granda feliĉo. Post la vizito mi estis seniluziigita pri tiu domo. Ĝi ne plenumas, kion ĝi promesis!

Unu de la gvidantoj tra la urbo por la ĵurio estis la iama ministro pri eksterlandaj aferoj Hans-Dietrich Genscher. Sed ankaŭ la ĉefurbestrino Ingrid Häußler klarigis multajn detalojn al la gastoj. Dum la tuta tago pluvetis kaj nun ĉiuj Halle-anoj esperas, ke tio ne estis malbona aŭguro.

*ugg*



### ELSA

La 29-an de aprilo 2006 okazis en Bernburg la jarĉefkunveno de la Esperanto-Ligo Saksio-Anhaltio. Ĉijare ne estis elektoj; la aliaj formalizaĵoj ne havis malregulaĵojn. La Esperanto-grupoj el Halle kaj Magdeburgo raportis pri la aktivaĵoj de la pasinta jaro kaj pri la planitaj por la nuna jaro.

Gerhard Hirschmann prezentis interesan prelegon pri lia vojaĝo al Sudafriko kaj pri la asocio de Mondcivitanoj.

La sekvonta jarĉefkunveno de ELSA estos la 28-an de aprilo 2007 en Bernburg en la urba informejo.

*jogo*



Raportoj pri la aliaj renkontiĝoj sekvas en la venonta eldono de *Panorama-Info*.

(2006-06-11 Händelfest, 2006-07-02 kradrostado en Bad Lausick, 2006-07-13 Spielehaus)

## regulaj renkontiĝoj

### Eo-grupo PANORAMO - Halle:

1-a mardo, 18.00h: E.-Abderhalden-Str. 20

3-a mardo, 18.00h: Bülbergasse  
(restoracio "Zum Schwarzbrenner")

4-a mardo, 17.00h: PIKO, informu vin

### Eo-Gruppe Magdeburg:

ĉiu 2a mardo (ne en julio, aŭgusto),  
Steubenallee 2

### Eo-Klubo "Karapaco"

**Zeit:** Dirk Bindmann, ☎+📠 03441-273251  
walden@t-online.de

**Altenburg:** kaiser-altenburg@t-online.de  
☎ 03447-4012

## eventoj

pliaj:

<http://aliaflanko.de/kalendaro/>

<http://www.eventoj.hu>

12.-19.08.2006 **Thomsdorf**

internacia tendumado  
info@esperanto-nb.de

26.08.2006 **Wörlitz**

REVO Renkontiĝo en la parko de Vorlico  
**E-grupo Halle**

29.09.-03.10.2006 **Herzberg**

Tutlandaj Padagogiaj Tagoj, **ICH**

04.-07.10.2006 **Herzberg**

Intensa trejnado en ĉiuj niveloj, **ICH**  
poste GEFA-kongreso, GEFA-kultursemajno

21.10.2006 **Halle**

ANABEL Aŭtuna renkontiĝo  
en la Fondaĵoj de Francke  
**E-grupo Halle**

01.-03.12.2006 **Herzberg**

Intensa trejnado en ĉiuj niveloj, **ICH**

08.-10.12.2006 **Ústí nad Labem**

Kultura Festivalo, [www.esperanto.cz](http://www.esperanto.cz)  
m.smyczka@seznam.cz

09.-12.12.2006

Ĉeĥa-Saksa Tago  
kiz@kr-ustecky.cz

## adresoj

### DEB - Deutscher Esperanto Bund

Immentalstraße 3, 79104 Freiburg,  
☎ 0761-289299, Info 0180-esperanto  
(-3773726)

gea@esperanto.de <http://www.esperanto.de>

### UEA - Universala Esperanto Asocio

Ĉefdelegito por Germanio:

d-ro Wolfgang Schwanzer,  
Pfarrer-Seeger-Str. 9, 55129 Mainz

☎ 06136-46232, <http://www.uea.org>

### SAT - Sennacieca Asocio Tutmonda

Peranto por Germanio: Jiri Proskovec,  
Heimbastraße 10, 44143 Dortmund  
proskovec@aol.com

### ELSA - E-Ligo Saksio-Anhaltio

Jörg Gersonde, H.-Wäschke-Str. 31,  
06366 Köthen, ☎ 03496-558517

joerg.gersonde@esperanto.de

### E-Grupo "PANORAMO" Halle

Siegfried Linke, Fischerstecherstr. 23,  
06120 Halle, ☎+📠 0345-5500348,

halle-saale@esperanto.de

<http://www.esperanto-halle.de>

### E-Grupo Magdeburg

Edith Plümecke, Simonstraße 15,  
39114 Magdeburg, ☎ 0391-8117421  
DDungert@t-online.de

[http://www.beepworld.de/  
members75/esperanto-dungert](http://www.beepworld.de/members75/esperanto-dungert)

### E-Grupo Leipzig

Werner Geidel, Karlsruher Str. 5 d  
04209 Leipzig, ☎ 0341-4118577

### ICH Internacia Centro Herzberg

Peter Zilvar, Grubenhagenstr. 6,  
37412 Herzberg, ☎+📠 05521-5983

esperanto-zentrum@web.de

<http://www.ic-herberg.de>

### Literaturdienst "ESPERO"

Rolf Beau, Eißer Kirchweg 18

27333 Schwering, ☎+📠 04257-983223

RoBo.ESPERO@t-online.de

### Bücherdienst/Libroservo

wolfgang.schwanzer@esperanto.de

<http://www.esperanto-buchversand.de>

☎ 06136-46232

## PANORAMO-Info

Herausgegeben von der Esperanto-Gruppe „PANORAMO“ Halle,  
fina redaktoro: Jörg Gersonde, H.-Wäschke-Str. 31,

06366 Köthen, 03496-558517, joerg.gersonde@esperanto.de

Bankverbindung: August Grosch, Kto.: 480 144 352,

BLZ 800 537 62, Stadt- und Saalkreissparkasse Halle